



## **Scientia Sanctorum**

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

**Puente, Luis de la**

**Dilingæ, 1685**

36. De cæco nato.

---

[urn:nbn:de:hbz:466:1-60561](https://nbn-resolving.org/urn:nbn:de:hbz:466:1-60561)

## PUNCTUM III.

Luc. 18.

42.

Ob fidē  
sanatur.

Matt.

9. 28.

Marc.

18. 23.

Duplex  
illumi-  
natio.

**F**idei Dominus tribuit sanitatem: *Fides tuate saluum fecit: & confestim vidit.* Quod erat potentia & misericordiae suae opus, fidei attribuit, tanquam disponenti & impetranti. Sic petiit aliis à cæcis: *Creditis, quia hoc possum facere vobis?* Et illis affirmantibus, *statim aperti sunt oculi eorum:* sed quendam alium non statim de integro illuminavit, ob imperfectam fidem, tamen *ethi salivam suam adhibuit, & oculos tetigit.* Initiō enim videbat homines sicut arbores. Sic sunt duo modi illustrationum: quidam extraordinarius, ut D. Pauli: quidam per gradus, proficiendo. Cæcus hic *sequebatur eum magnificans Deum:* effectus illustrationis, insistere vestigiis Christi, & Dei gloriam prædicare.

## MEDITATIO XXXVI.

De cæco nato. Ioan. 9.

## PUNCTUM PRIMUM.

Ioan. 9.

1.

Justos  
respicit  
Jesus.

2.

Morbus  
non  
semper  
pœna.

**P**ateriens Iesus vidit hominem cæcum à natiuitate. Hic intuitus misericordiae; quo nisi Deus præueniat nos, non illuminamur, & respicit quidem omnes, sed maximè electos. Optabo sic ab eo aspici. 2. Quærebant Apostoli de causa cæcitatatis. Respondit: *Neque hic peccavit, neque parentes eius: sed ut manifestentur opera Dei in illo.* Discamus, quia non semper peccata sunt

sunt causa morborum & calamitatum, sed aliquando immitti pro gloria Dei: quæ inde elicitur, dum iusti exultantes illas ferunt, & Deo gratias agunt pro illis; vel dum mirabiliter eos eripit ex eis. Unde subdit: *Me oportet operari opera Dei, donec dies est.* Dei opera vocat, ex quibus ille glorificetur; quale est, quod facit iustos exultare in tribulationibus pro Christo, quodque illos liberat extraordinarijs modis, ut hunc cæcum: unde glorificatur Deus: *Donec dies est vitæ Christi mortalis.* O Domine! operare in me talia, donec dies est meus. *An- Job. 10. 1. requam vadam ad terram tenebrosam: Sed & 21. me oportet operari opera Dei, donec dies est.* *Quodcumque potest manus tua, instanter operare.* *Eccl. 9. 10.*

## PUNCTUM II.

**M**odus curandi cæcum. *Expuit in terram, & fecit lutum ex sputo, & linivit oculos ejus.*

1. Contrario remedio utitur, ad ostentandam suam potentiam: sic & humiliando aliquem exaltat, ut *Ioseph ex carcere ad principatum.* 2. Docet conferre ad illuminationem, si lutum, ex quo existimus, & cœnum culparum super oculos sponamus per attentam considerationem. Fit autem lutum hoc ex saliva Christi, quæ est illius sapientia, quia, nisi hac inspirante, non agnoscimus nostram utilitatem. Vel utrumque miscetur, saliva Christi & terra, ut illuminemur, ad Deum, & nos ipsos cognoscendum, quæ inter

I.  
Sanat  
luto.  
2.  
E luto a-  
gnosci-  
tur vili-  
tas mea

3.  
Sacr-  
menta  
abluūt.

4. Reg.  
15.

se notitiæ se juvant, & junctæ sunt. 3. *Iussit ire ad natatoria Siloë, quod interpretatur missus, & ibi lavare.* Typus baptismi & pœnitentiæ, quæ virtutem habent à Christo, qui est missus Patris in hoc ipsum. Imitanda fides & obedientia cæci, qui luto se obliniri permisit, & ivit: haud sicut *Naman Syrus*, cum juberetur *lavare in Iordane*, qui detrectavit. *Abit ergo & lavit, & venit videns.*

### PUNCTUM III.

Cæci.  
1.  
Gratitu-  
do.  
2.  
Fortitu-  
do.  
3.  
Pruden-  
tia.  
4.  
Patiētia.

**C**æci jam illuminati præclara professio. 1. Gratitudo, prædicando auctorem, & modum sanandi obviis enarrando. 2. Fortitudo, quam non timuit rem edicere coram Phariseis, & in Christum referre, parentibus ejus præ metu tergiversantibus. 3. Zelus cum prudentia, nam Phariseis amoliri à Christo laudem conantibus, quòd homo peccator esset & ignotus, revicit illos. 4. Patientia in contumeliis. *In peccatis natus es totus, & tu doces nos? O Dei virtus, quæ cæci & mendici operâ confundit sapientes superbos!*

### PUNCTUM IV.

Christus  
1.  
Conso-  
latio af-  
flicto-  
rum.  
2.  
Fidem  
auget.

**C**hristus consolatur, confirmâtque cæcum. 1. *ut audivit è synagoga ejectum, accessit ad eum Christus, ut eum recrearet.* Sic non obliviscitur confitentium se. 2. Studuit perficere ejusdem fidem, interius etiam illuminando: nam Christo proficiente se esse Filium Dei, ille ait:

*Credo*

Credo Domine, & proci-  
dens adoravit eum. O  
quantò admirabilior hæc illuminatio! 3. Ne tur-  
baretur ob Phariseorum contradictionem, qui  
sapere videbantur, dixit ei Iesus: *In iudicium*  
*ego in hunc mundum veni, ut qui non vident, vi-*  
*deant, & qui vident, cæci fiant.* Hoc est, ut idio-  
tæ & simplices cognoscant veritatem, sapientes,  
autem superbi ad illius splendorem cæci fiant.  
*Abscondisti hæc à sapientibus, & revelasti ea par-*  
*vulis.*

3.  
Tran-  
quillat  
mentem

## MEDITATIO XXXVII.

De surdo & muto, Marc. 7.

### PUNCTUM PRIMUM.

**A**dducunt ad Iesum surdum & mutum. 1. 1.  
Surditas spiritualis est circa fidei veritates  
percipiendas & credendas, tum circa præcepta  
& inspirationes recipiendas: mutus autem qui  
impeditus ad officia orandi Deum laudandi,  
gratiâsque agendi, nec non confitendi sua pecca-  
ta. 2. His duobus sensibus spiritualiter impedi-  
tis, obstruitur via salutis: nam hæc obtinetur per  
fidem & obedientiam, & flagitanda est per ora-  
tionem. Satagit dæmon, ut impediatur: Unde  
Lucas, ipsum *Demonum* vocat *mutum*. Aliter *Luc. 11.*  
in bonum David ait, *Tanquam surdus non au-*  
*diebam, & sicut mutus non aperiens os suum, vi-*  
*delicet ad vanitates & ineptias.* 3. Quòd multi  
sunt ita oblitæ suæ salutis, ut nunquam accede-  
rent, nisi ab aliis adducti: quod officium præ-  
stare

2.  
Surdus  
fit mutus

*Luc. 11.*

14.

*Pf. 37.*

14.

3.

Peccato-  
res muti,

stare